


4

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
JUL 29 1946

T 2820/0162

欽定廓爾喀紀畧

卷三
之四



欽定廓爾喀紀畧卷三

九月二十五日

丁酉

保泰雅滿奏言

臣

保泰於

請撥班禪額爾德尼之滿與仲巴呼圖克圖及

歲琿堪布等公同商議於北什倫布爾內各緊

要處所俱設立明卡堆石防備八月十六日

保泰護送班禪額爾德尼起程時帶領都司察

南嗣同仲巴呼圖克圖均論在喇嘛及摩古

欽定廓爾喀紀畧卷三

哈佛大學漢和
圖書館珍藏印

九月二十五日丁酉保泰雅滿泰奏言臣保泰於

請移班禪額爾德尼之前與仲巴呼圖克圖及

歲琿堪布等公同商議於扎什倫布廟內各緊

要處所俱設立碉卡堆石防備八月十六日臣

保泰護送班禪額爾德尼起程時帶領都司徐

南鵬同仲巴呼圖克圖飭諭在廟喇嘛及唐古

忒人等令其齊心防禦固守廟宇茲據噶布倫等稟稱廓爾喀賊匪於八月二十日已抵後藏分圍扎什倫布仲巴呼圖克圖先將廟中細軟物件搬至東喀爾地方居住賊匪揚言欲分兵三路直犯前藏現在唐古忒等各懷驚懼等語
臣 侯噶布倫等續有稟報再行奏

聞

同日鄂輝奏言

臣

現在加緊償行距打箭爐僅

止一站本日定可趕到查前調懋功協屯番五

百名已據游擊額爾恒額稟稱業於九月十二

日自金川起程計算該屯番亦於日內必到爐

城

臣

即令額爾恒額先行帶領出口其雜谷五

寨之屯練一千五百名據提臣觀成等知會頭

起已於十二日到省其餘亦陸續可到準於十

三四日按起自省進發約二十日外可抵爐城

臣察看情形雲南兵亦不得不調現已飛咨雲

貴督臣富綱于迤西提鎮標內挑派壯健兵丁

二千名就近由維西一路出巴塘察木多交界

地方赴藏臣隨飭各臺糧員將烏拉口糧寬爲

預備隨到隨卽應付不致稍有貽悞均奏入

上命軍機大臣傳諭鄂輝成德曰廓爾喀賊匪至扎

什倫布保泰聞信具奏計已五六日尙未搶掠扎

什倫布看來賊匪無能爲卽所稱分爲三路侵犯

前藏之言想亦虛聲恐嚇斷不能來侵前藏至賊

衆久住扎什倫布從何得食不過在左近村堡抄

掠亦非長策諒必不久遁回豈能復至前藏乎卽

或前來成德亦將次到彼且濟隴呼圖克圖業經

抵藏伊尙屬曉事可諭知濟隴呼圖克圖稱大皇

帝諭旨廓爾喀如此肆行侵擾大兵不久卽至但目下唐古忒等未免心懷驚懼務使協力抵禦方能濟佛法雖戒殺生但賊匪一到若不協力抵禦悉爲賊匪所害况佛經有降伏魔障之說廓爾喀恣肆若此卽是爾等之魔所當亟爲降除者濟隴呼圖克圖宜轉告衆呼圖克圖鼓勵僧俗保護達賴喇嘛班禪額爾德尼同心守禦卽大兵未齊

亦豈有不能固守布達拉廟宇之理保泰等何至惶懼無措不思經理之策束手待斃幸達賴喇嘛未曾搖惑倘誤聽其言遽行移動以致大衆潰亂則保泰雅滿泰二人雖萬死不足蔽辜至所奏現今唐古忒等俱懷驚懼一節保泰等自應揀拔數人使之偵探賊勢作爲耳目何以祇知坐候噶布倫等稟報若噶布倫等不行稟報伊二人竟在睡

金定學師... 卷三
四
夢之中於一切情形懵然罔覺直爲不知疴癢之
人矣鄂輝成德抵藏後著將保泰雅滿泰傳旨嚴
行申飭再成德抵藏時賊匪甫行逃遁若能領兵
追及卽速行追勦若已出境遠遁卽不必窮追統
俟明年雪消之後再行進勦鄂輝成德此時務須
迅速前往不可稍有遲滯至在藏貿易之巴勒人
等現在鄂輝成德領兵多寡衛藏情形及明年添

兵進勦各事宜斷不能隱瞞伊等此內或有傳送
賊信之人亦未可定且此輩不過能鑄佛像造作
金銀器皿卽不留在藏無甚關係此等工作內地
匠役多能爲之並非必須巴勒布之人鄂輝等抵
藏後卽將在藏之巴勒布貿易人等密行訪查此
內有與賊遞信或形跡可疑者俱解送來京其餘
盡行逐令出境一人不可遺漏再保泰護送班禪

額爾德尼來前藏時扎什倫布有達木兵一百五十名綠旗兵一百二十名達木兵丁強壯打仗奮勇保泰自應留在後藏防守何以反將達木兵帶回僅留綠旗兵一百二十名適徐南鵬所報又稱兵八十餘名其四十名又歸何處此實保泰恇怯太過多以強兵自隨不但置扎什倫布於度外併棄徐南鵬而不顧矣鄂輝成德於事定之後查明

實據叅奏

上命軍機大臣傳諭福康安曰廓爾喀侵擾後藏其伎倆不過希圖搶掠本屬無能前已諭令奎林赴藏督辦今保泰等奏稱賊匪於八月二十日已抵後藏分圍扎什倫布並揚言欲分三路直入前藏等語現在鄂輝成德等已帶領屯土番兵分起前往不日即可抵藏諒賊匪自必聞風竄避斷不敢

侵擾前藏奎林自臺灣取道抵藏尙需時日福康
安素嫻軍旅聲勢較大或有必須到彼督辦之處
亦未可定著傳諭福康安接奉此旨卽迅速攢程
來京以便預備前往

上又命軍機大臣傳諭孫士毅曰前據奏派令道員
林儁徐長發等馳赴打箭爐口內口外照料各起
官兵並將一切應辦軍需趕緊辦理孫士毅到彼

後所有兵餉臺站並口內口外軍行事宜均關緊
要應飭令該道等悉心經理若能辦理妥速必邀
獎敘務須先事預籌使糧餉軍需得以源源接濟
不致臨事周章其一切事宜自有康熙雍正年間
舊定章程可以仿照而行至口外糧餉造行全賴
烏拉運送地方官若少給腳價或私行剋扣番衆
惟利是視往往有藏匿不出及中途拋棄脫逃者

尤應嚴飭該地方文武官員按名給值毋使稍有
短發現在廓爾喀已到後藏搶掠鄂輝成德等先
後帶兵前往此時將屆冬令該處雪大難行不便
統兵深入明春白當厚集兵力以爲搗穴擒渠之
計一切糧餉軍需正須妥協籌辦此事著交孫士
毅一人經理若以省城相距口外較遠鞭長莫及
竟應駐劄打箭爐督率料理較爲妥便孫士毅係

軍機司員出身屢在軍營行走辦理軍糈本係熟
手自能籌度妥協以副委任

二十六日

戊戌

上命軍機大臣傳諭鄂輝成德富綱曰昨據鄂輝奏
廓爾喀賊匪已至後藏必須多兵進剿現已飛咨
富綱挑兵二千名由維西一路出巴塘赴藏等語
賊匪擾至後藏現在鄂輝成德等先後帶兵前往

欽定四庫全書 卷三十一
賊匪自必聞風竄匿况此時將屆冬令該處山高
雪大賊匪不能耐冷勢難久留若此時卽調雲南
兵丁前赴該處亦不能窮追突入駐劄藏內守候
需時該處地方較小不能容多兵久駐以致擁擠
且藏內稞麥糈粃採辦不易糧運維艱再添滇兵
閒駐該處辦理更爲掣肘朕意此事卽須大舉亦
當俟明春厚集兵力所有雲南兵丁屆期再行前

往亦不爲遲著傳諭鄂輝等酌量情形若此時必
須添兵勦辦刻不容緩自可毋庸停止如現在尙
可無須此項兵力卽一面奏聞一面飛咨雲貴總
督及帶兵將領暫緩赴藏總在鄂輝等斟酌緩急
情形悉心妥辦並著傳諭富綱如接到鄂輝等調
兵咨會業已派出此時暫緩起程在彼預備總聽
候鄂輝等饋行咨會准信再令赴藏現在不必急

於調發致滋勞擾

二十七日

已

孫士毅奏言竊

臣

在京欽奉

諭旨赴川署印卽由驛起程途次連遇川中文報槩

用急遞卽無分雨夜加緊前進每日行二百五

六十里及二百七八十里不等已于九月十三

日行抵川境十五日在梓潼縣經布政使英善

委員賚送督篆前來

臣

卽接印任事訖計十七

日必可進署將應辦公務趕緊清釐卽日前赴

打箭爐駐劄于省藏兩處往來公務辦理較爲

迅速本日接鄂輝途次咨送摺稿知廓爾喀賊

匪已擾至春隊地方保泰業將班禪額爾德尼

移至前藏鄂輝飛調屯土弁兵二千名前往接

應又稱保泰現調滇兵二千名赴藏

臣

已飛札

沿途文武速將屯土弁兵催攢前進勿令稍有

遲滯所有糧餉軍火及一切策應調度各事宜
並現在藩庫錢糧是否足用或應于隣省請撥
協濟之處臣與司道等悉心商酌期于周妥隨
時請

旨辦理奏入

上命軍機大臣傳諭孫士毅鄂輝成德曰據孫士毅
奏到川接印即日赴打箭爐駐劄並辦理一切情

形一摺所辦籌慮周到與朕節次所降諭旨均屬
相合目今要務惟在糧餉軍需寬爲籌備源源接
濟前已撥銀二百萬兩解往並降旨交孫士毅一
人經理孫士毅務須妥爲籌辦若所撥銀兩尙屬
不敷仍卽奏請添撥以備軍儲之用

二十八日

庚子

鄂輝奏言查廓爾喀滋事緣由一
因唐古忒拖欠銀兩催取起釁一因廓爾喀新

鑄銀錢唐古忒未照定議行用以致構怨動兵
向來西藏所用銀錢俱巴勒布部落所鑄舊鑄
銀錢多攙雜銅斤每個重一錢五分九個銀錢
共一兩三錢五分始換得銀一兩今巴勒布所
鑄新銀錢用好銀鑄造並不攙銅巴勒布等屢
向噶布倫等寄書欲專用新錢將所有舊銀錢
全行停用噶布倫等不以爲事是以前年始在

邊界滋擾

臣

前次在藏時卽飭令噶布倫等以

巴勒布新鑄銀錢價值增昂則舊銀錢價應核

減向巴勒布等會同商定噶布倫等隨與巴勒

布頭目議定新銀錢六個零換銀一兩舊銀錢

十二個換銀一兩其後巴勒布將新鑄銀錢運

至藏地而藏內仍未照依原定之數所有新舊

銀錢總未分別噶布倫等又不加嚴禁因而廓爾

喀懷恨滋事俟

臣

到藏時嚴飭噶布倫分晰新

舊錢價值低昂妥爲辦理再令伊等給還所欠

租債一併明白曉示廓爾喀必然感激恐懼不

至再生事端至廓爾喀邊界甚遠兵丁糧餉運

送維艱且現今撒迦地方一帶皆爲廓爾喀侵

擾所有運糧烏拉牲畜等項恐愈難備辦

臣察

看此日情形固不可不加兵而亦不值大用兵

臣

到彼後會同成德保泰一切詳加商議再行

奏

聞奏入

上命軍機大臣傳諭鄂輝成德曰廓爾喀所鑄錢文

向衛藏行使原爲貪圖利息起見後又欲將舊錢

停止專用新錢每銀一兩祇肯易錢六個因屬貪

得無厭而噶布倫番衆人等與彼交易亦不免圖

佔便宜彼此惟利是圖各不相下以致復滋事端
但衛藏地方行使廓爾喀錢文總緣唐古忒人等
向與廓爾喀交易買賣是以不得不從其便今該
賊匪反覆無常肆行搶掠昨已降旨令將在前藏
貿易之巴勒布概行逐去將來廓爾喀即使震懾
兵威懇求納款亦斷不准其再通貿易是廓爾喀
所鑄錢文衛藏竟可毋須行用我國家中外一統

同軌同文官鑄制錢通行無滯區區藏地何必轉
用外番幣貨况伊將所鑄之錢易回銀兩又復攬
銅鑄錢向藏內交易源源換給是衛藏銀兩轉被
廓爾喀逐漸易換尤屬不成事體若於內地鑄錢
運往程站遙遠口外又多夾壩運送維艱莫若于
西藏地方照內地之例安設爐座派撥官匠卽在
彼鼓鑄駐藏大臣督同員役監製經理自可不虞

金匱要略卷之三
四
缺乏將來勦辦事竣鄂輝當傳齊達賴喇嘛噶布
倫等明白宣諭以唐古忒人等懦弱無能又復固
執貪利此次因行等與廓爾喀換易錢文紛爭滋
事是以大皇帝爲保護衛藏派調大兵前來勦辦
俾僧俗番衆俱賴安全所有廓爾喀貿易人等自
後不准其復來交易永斷葛藤特于藏內鼓鑄官
錢令其行用伊等舊存廓爾喀錢文概行銷作銀

兩一律使用官錢伊等當感激大皇帝愛護深恩
敬謹遵行卽可永資樂利若狃于積習不知感悟
仍欲與巴勒布彼此交易行使所鑄錢文則伊等
竟係冥頑不靈自貽伊戚必將駐藏大臣一併撤
回任聽伊等所爲卽使賊匪再來滋擾亦不復過
問矣如此明白諭知該處僧俗番衆自當各知醒
悟遵照辦理至鄂輝摺內又稱後藏距廓爾喀甚

遠糧運烏拉更爲掣肘此時不進兵斷乎不可若
用兵大舉於事亦覺不值看來鄂輝不免有仍前
畏難將就了事之見廓爾喀原屬無能此時鄂輝
成德等先後帶兵前抵該處賊匪自必聞風竄避
但必須懾以兵威痛加懲創俾知懾服不敢再萌
他念方可期一勞永逸若少存將就了事之意使
彼無所畏憚大兵撤後即使明年不來滋擾或後

年復至邊境搶掠又將作何辦理倘復須調兵進
勦是賊匪轉得以逸待勞反客爲主從來外夷反
覆無常見兵威壯盛卽行逃竄及大兵撤去仍來
窺伺往往疲敝內地用兵之道當先發制人若云
道路遙遠糧運維艱豈有賊匪能來我兵難往之
理鄂輝等惟當相度機宜妥爲籌辦俟兵力厚集
卽不能搗穴擒渠總當痛加勦殺使之聞風胆落

不可先存遷就致留後患

上命軍機大臣傳諭孫士毅鄂輝成德富綱譚尙忠
曰川省籌辦糧餉及察木多等處存貯米麥藏地
採買糧石祇預備現調兵丁支食若明春厚集兵
力大舉進勦約須調兵近萬至少亦須七八千名
現備軍糧自屬不敷支用軍行以糧運爲先若臨
時稍有缺乏則師不宿飽安能使之枵腹進征此

時先事預籌源源接濟實爲軍興要務但近年辦
理軍需多有糜費從前康熙五十七八九年雍
正六年俱曾出師西藏調派滇省兵丁卽係由維
西一路出巴塘赴藏所有糧運事宜均有辦定章
程川省滇省舊案自尙齊全孫士毅富綱譚尙忠
均係戶部司員出身孫士毅費淳又曾在軍機章
京行走從前辦理西藏舊案想曾目覩著卽令孫

欽定四庫全書
卷三
十一
士毅等就近在川省滇省督撫藩司衙門詳查康熙雍正年間章程仿照辦理不可照近年軍需之例稍有浮冒至西藏距川省萬有餘里道途遙遠且口外均係番子地方全賴烏拉運送不能迅速將來軍營需用糧石遠赴川省調取實屬緩不濟急朕思察木多居適中之地或將察木多等處現存糧石運赴西藏再將川省附近邊界備辦軍糧

撥補察木多存貯續行運送如此源源遞運庶可無虞缺乏且打箭爐以外土司地方均係種植稞麥並著孫士毅酌量情形就近採買運送道路較近既可以豫備急需又可以節省運費於軍務大有裨益至鄂輝所奏藏地糧運維艱道途險遠未免有畏難之意殊不知賊匪遠來藏地口食未聞缺乏將來我兵突入賊境自當資糧於賊鄂輝等

欽定四庫全書
卷三
到彼務須會同成德設法籌辦以利軍行總之糧
餉爲兵行要務孫士毅等務須查照舊案悉心妥
辦不可稍有貽悞
上命軍機大臣傳諭福康安曰前次廓爾喀侵擾西
藏邊境時鄂輝等將就了事並未大示創懲賊匪
無所畏懼又習見唐古忒怯懦敢肆欺凌是以此
次復來滋擾若不示以軍威則我軍甫撤賊匪復

來方欲進兵賊已遠遁頻歲勞師遠涉仍屬無功
終非一勞永逸之計朕意俟明歲春融厚集兵力
分路進討鄂輝資望較輕恐難勝統兵重任且鄂
輝前在金川軍營尙係守備奎林已爲領隊大臣
卽成德彼時職分亦在鄂輝之上今令奎林成德
分路帶兵鄂輝在後路接應則奎林成德轉似偏
裨恐不相下朕再四思維竟需福康安前往督辦

方足以資統率福康安素嫻軍旅識見較鄂輝為
優且奎林係福康安堂兄平日尚稱友愛令其同
辦軍務想能和衷協力迅速成功至鄂輝平日帶
兵不甚奮勇籌筭亦不能周到朕意即令鄂輝留
駐藏地辦理糧運毋須同在軍營况現在駐藏大
臣除奎林帶兵外祇有舒濂一人在彼一切採辦
糧餉及接運軍糧等事均關緊要得鄂輝舒濂商
同辦理更於軍行有益著傳諭福康安接奉此旨
即趲程迅速來京候朕回授方畧

臣等謹案周官大司馬以九伐正邦國曰馮
弱犯寡則眚之廓爾喀因唐古忒懦怯性成
輒肆欺凌恣睢爭擾妄逞干戈此馮弱犯寡
之罪為

國法所難貸也前此侵攘邊境未加痛懲遂復狂

爲故常藉端滋事誠如

聖諭必當示以軍威興師進討始爲一勞永逸之計
深得駕馭四夷要道若乃整厲戎行必資重

臣董率

皇上以福康安軍旅夙嫻聲勢較盛足以統領諸將

震耀先聲

特命由粵入覲

指授方畧於一切軍行事宜

訓示周詳已具得其竅要用能所向克捷而迅收摧

枯掃穰之效也

同日鄂輝奏言

臣

於九月十五日行抵打箭爐

適前派之屯番五百名均於次日到齊

臣

當卽

賞給銀兩布疋及烟茶牛羊等物隨飭遊擊額

爾恒額卽口帶領出口接續成德前進以備應

用其雜谷五寨之屯練一千五百名先准提臣
 觀成等知會已於十二三日陸續到省業經觀
 成及在省司道優加賞賚頭起於十四日自省
 起程約二十三四日內可以抵爐其餘亦接踵
 而至查此次派調屯練屯番共有二千名人數
 較多必須熟悉番情之大員督率統領行走可
 期妥速臣暫留松潘鎮總兵張芝元等候頭起

屯練到時卽令該鎮帶領速行以資前後照應
 其二起屯練派遊擊劉懷仁三起派副將五十
 一分起帶領至一切支應各事宜先經鹽茶道
 林儁督同署同知徐麟趾妥為豫備自可隨到
 隨行惟口外各土司所備烏拉向皆候前起送
 到轉回方能應付其間遠近不同勢難如內地
 之間日行走臣現在趕至前途隨處面見各土

司管官倉儲巴等重加獎賞妥為駕馭令其催
調烏拉寬為豫備務須隨到隨卽應付至各兵
應支口糧前經臣奏明全支稞麥恐長途難以
裹帶况沿途尙易買食糈糶酥油應請照駐臺
兵丁之例半折半支其屯兵鹽菜一項自應於
出口之日一體起支以示優卹至應用鉛彈火
藥除各兵隨帶並經成德就近飭營撥運外臣

現又咨明署督臣孫上毅提臣觀成於省城三
標內酌量撥派卽令豫派之換藏兵丁押送赴
藏以資接濟奏入報

聞

是二十九日

辛丑

上命軍機大臣傳諭鄂輝成德曰廓爾喀與唐古忒
人等尋衅滋事前遣之都司嚴廷良保泰因賊匪

業經搶佔地方當將該都司撤回嗣後並未奏及
遣人往詢之事所有譯行廓爾喀查問起衅緣由
是否派遣兵丁抑係差唐古忒番人前往及如何
詢問之處摺內並未聲明其派往之人曾否已回
後藏若遣藏番前往被賊羈留尙屬無關緊要倘
所遣係內地之人尙未回藏卽微未弁兵亦豈可
置之不問乃伊等並未將此事提及前後奏到各

摺毫無籌畫保泰祇知帶同班禪額爾德尼退避
雅滿泰亦株守前藏一籌莫展且皆張大賊勢一
味懦弱伊二人何昏憤無能一至於此著傳諭鄂
輝等到彼後卽向保泰等面加詰詢嚴行申飭其
遣往詢問廓爾喀者究係何人現在作何下落卽
查明速行覆奏

欽定廓爾喀紀畧卷三

臣等謹將廓爾喀紀畧卷三

欽定廓爾喀紀畧卷四

臣等謹將廓爾喀紀畧卷四

十月初五日

丙午

孫士毅奏言

臣

於九月十五日

在川省梓潼縣接印任事十七日抵省查明屯

練一千五百名業經陸續自省前行其降番五

百名已於九月十六日自打箭爐出口又預備

來年換藏兵丁將省城三標派出三百餘名就

近催齊作為頭起於二十日自省起程查保泰

欽定四庫全書 卷四
等來咨已咨調滇兵二千並察木多三十九族
番兵二千赴藏協勦伏思此次成德鄂輝等先
後派領漢屯兵二千二三百名加以滇兵二千
察木多兵二千及先期挑派赴藏換班兵丁一
千二百餘名共七千五百餘名需用兵食爲數
不少雖西藏糧臺現存糧三千石又據雅滿泰
來咨喇嘛商上現有糧四千石時屆秋收尚可

採買二萬石並牛羊一萬八千餘隻就現在情
形而論足敷支應但內地距藏寫遠每夫背米
不過數斗及至運送軍前尚不敷本人口糧何
能有濟兵食且恐唐古忒人等見有內地運糧
接濟益復心生怠玩不以爲事將來易啓釁端
臣擬札商鄂輝我兵進藏後如能迅速截事現
在兵糧儘足敷用萬一稍需時日而兵數又復

加多自當預備充裕倘臨時畧有游移所關非
小臣揆度情勢軍營兵食既難由內地運送除
在藏領價就地採買別無籌辦之法至各糧臺
所貯稞麥計此番兵行過境雖亦足供支放但
究當乘時採買以裕軍糈臣已飭知建昌道速
行各臺員在於附近部落一體採買備貯如無
需動用卽以補本年兵行支食之項亦不致糜

備費至應用銀兩現據藩司詳動備貯軍需一百

五萬兩酌撥內外各臺支用如果未能尅期蕲

事似應卽於附近省分撥銀協濟容臣另行請

旨再查省城由打箭爐出口直至藏中業經查照上

屆所定安設臺站馬匹其自廣元入境至省城

錦官驛出省均爲文報往來必經之地未便稍

有遲滯現亦一體添設以利遄行至軍火鉛彈

爲軍營利器臣已查照鄂輝來咨飭令此次換
臺兵丁順便分起管運赴藏並飭知省城各標
營預爲補製照臣川東川北松潘等鎮協在於
旨再額存軍火內撥出一分解赴省城備貯聽候撥
用臣卽日馳赴打箭爐駐劄就近調度妥辦
孫士毅又奏言四川重慶鎮總兵諸神保欽奉
諭旨調補浙江黃巖鎮總兵臣上年在川知該鎮誠

實勇往且前此曾駐藏數年熟悉番情臣與提

臣觀成面商現在廓爾喀滋擾後藏應將諸神

保暫留川省萬一藏內需熟手卽可令其馳赴

軍營聽候差遣正在商酌間該鎮交代赴省向

臣呈請據情轉奏准令赴藏帶兵進勦理合會

同提臣觀成轉奏恭候

諭旨遵行奏入

欽定平定回疆方略卷四十四
四
上命軍機大臣傳諭孫士毅鄂輝成德曰孫士毅奏
籌辦糧務事宜各摺辦理妥協可謂盡心籌畫所
見均與朕意相同廓爾喀賊匪前來後藏搶掠保
泰等於前月二十五日奏報情形迄今已及九日
並無隻字奏到即使賊勢鴟張亦斷不致擾及臺
站阻隔文報保泰等惟怯無能株守前藏不但一
籌莫展抑且信息全無豈不知朕屢念軍務晝夜

懸盼無時或釋卽保泰等不能帶兵進剿而烏爾
公阿徐南鵬等亦必將賊匪情形隨時稟報現在
賊匪曾否至江孜地方滋擾札什倫布是否尚能
固守鄂輝成德等到藏後卽嚴詢保泰等將因何
不奏報賊形之處令其明白登答據實迅速具奏
鄂輝成德計此旨到彼諒已先後抵藏亦應將該
處情形速行奏報以慰廑注至糧石爲軍行要需

不可不預爲籌備昨已降旨交孫士毅富綱等仿照康熙雍正年間舊例妥協經理茲據孫士毅奏籌辦糧餉事宜與朕指示之處一一脗合此次大兵赴藏原爲該處僧俗番衆保衛地方自應給價令其採辦但前後藏地窄人稠蓋藏亦少就現在派調之兵爲數已多若再添滇省調往及內地官兵該處所存稞麥或至不敷支食且恐滇兵未到

賊已先竄旣不及與賊接仗又不能長途撤回多兵在被駐劄靜候明春大舉坐食數月糜餉必多倘或供支難繼擾累番人尤非撫輯之道前已降旨令富綱聽候鄂輝等咨會再行派往此時暫緩調發想該督奉到前旨後自己卽行停止著傳諭鄂輝等及孫士毅斟酌緩急探聽情形如此時賊匪尚未竄回必須多兵剿賊卽飛咨富綱將滇兵

調發倘賊已遠遁現在毋需此項兵丁仍著遵照
前旨將續調各兵概行停其派調再孫士毅奏總
兵諸神保情願赴藏帶兵之處甚屬可嘉卽著准
其所請並加恩賞給大小荷包各一對以示獎勵

同日孫士毅觀成奏言臣孫士毅到省後與臣

觀成悉心商辦所有赴藏援剿之屯練降番二
千名內降番五百名由章谷至打箭爐出口其

屯練一千五百名由省城至打箭爐出口於九

月十四五六等日已全行出省臣觀成復飭領

兵副將五十一等沿途嚴加約束趕緊行走大

約二十二三等日卽可抵打箭爐出口其降番

五百名據沿途具報已于九月十六日抵爐卽

日趕緊出口各兵先後進發不致過于擁擠至

督臣鄂輝在省時與臣觀成商定明春換班臺

兵先期挑派赴藏以壯聲勢茲查頭起換班兵
 三百餘名已經齊集臣等隨即照例飭司發給行裝
 銀兩交都司陳起鳳統領已于九月二十日由省起
 身其後起換班兵九百餘名分作四起間日進發臣等
 仍隨時探聽藏中來信如有必須策應之處一面請
 旨一面辦理奏入報

聞

初六日丁未保泰雅滿泰奏言據都司徐南鵬報

稱廓爾喀賊眾搶佔札什倫布廟後于九月初

一日圍擾官寨經官兵施放鎗礮與賊打仗殺

死賊首一名賊眾數十名將官寨固守夜間賊

匪將附近唐古忒割收糧穀俱放火燒燬等語

隨據喇嘛噶布倫噶勒藏那穆札勒詳稱戴綳

敏珠爾多爾濟于九月初一日整兵援藏適賊

金定原商略紀略 卷四
匪迎來接仗殺賊十數名但賊衆我寡一時不能
能剿退仍將兵撤回請卽添兵進剿等語臣等
聞信之下不勝焦急前已派遊擊烏爾公阿噶
布倫索諾木扎什分兵三路前往現在此處別
無可調之兵臣惟有行催所調三十九族察木
多兵一俟到時速行率領前進再臣等詢問歲
琿堪布羅卜藏凱木楚克據稱賊衆于二十日

侵犯札什倫布廟仲巴呼圖克圖先于十九日
夜將廟中細軟搬至東喀爾地方藏匿其札什
倫布廟內有濟仲喇嘛及四學堪布喇嘛等在
吉祥天母前占卜據稱龍單上云不可與賊相
持衆心已亂喇嘛及唐古忒人等俱各散去因
此二十一日賊衆直入札什倫布廟中等語實堪
駭異伊等竟將札什倫布明讓與賊是誠何心

因思現今在廓爾喀之沙瑪爾巴呼圖克圖係
仲巴呼圖克圖之弟聞仲巴呼圖克圖與彼不
和並有讐隙此次賊衆來犯卽係沙瑪爾巴欲
陷其兄之意臣等問之歲琿堪布所言亦屬相
符內有密件陳明又四學批亦陳明等五
同日孫士毅奏言臣抵川後接到鄂輝移送摺
稿知酌籌各條皆係必應辦理之事業已飛速

照行現復與在省司道將藩庫錢糧臺站馬匹
及採備兵糈運送軍火一切應行事宜通盤籌
畫悉心商辦茲蒙

皇上傳諭以臣曾在軍營行走尚屬熟手令臣悉心
籌辦查藩庫積存帑項雖屬充裕而自打箭爐
以至西藏在在均係存貯備用總計委員逐起
運送動用已不爲少正在繕摺懇

恩酌撥欽奉

諭旨已在四川附近省分撥銀二百萬兩前來仰見

皇上萬里之外無微不至臣已飛飭川省入境首站

速爲僱備人夫並委道府大員在界照料一俟

解到卽添派妥員小心管解來省存貯司庫以

待支放至鄂輝成德俱係久歷行陣之人此番

統兵前進將賊匪痛加殲洗自必震懾乞哀一

勞永逸倘賊匪恃其險遠竟敢抗我顏行不得

不大示兵威使之慴伏臣彼時再當籲懇

聖恩出派隣近督撫有聲望者一人來川署理督篆

准臣馳赴軍營與鄂輝等同心協力審度機宜

不敢將就了事亦斷不敢有意貪功務使賊匪

畏懼悔罪抒誠不敢再萌窺伺之念均奏入

上命軍機大臣傳諭福康安鄂輝成德曰廓爾喀賊

匪侵擾後藏志在搶掠斷不能在彼久住朕早已料其必思竄回今賊匪將唐古忒糧食焚燬可見賊匪自知勢難久留又聞鄂輝成德先後帶兵前往急思遁去是以將積聚概行焚燬若賊匪尚欲在藏滋擾則此項糧石正可掠食豈有轉行燒燬之理看來賊匪無能斷不敢擾及前藏况前藏距札什倫布不過數日路程賊匪于八月二十一日

佔據札什倫布距保泰發摺之時已及兩旬倘賊匪果有覬覦前藏之意豈肯遲之多日尚在後藏株守耶此時鄂輝成德帶兵到彼賊匪自己早竄但必須懾以兵威痛加殲戮方可使之畏懼不敢再萌窺伺今鄂輝成德先後奏到各摺及本日孫士毅所奏俱不免存將就完事之見殊不知此事初起之時朕並非必欲大辦如賊匪祇因索欠啓

豐搶掠聶拉木等處邊境尚可爲之剖斷曲直責令清還欠項朕之初意原不欲勞師遠涉今賊匪肆行侵擾竟敢搶佔札什倫布不得不聲罪致討非彼乞哀可完之事若因賊匪已遁遂思就事完結使賊匪無所畏懼將來大兵撤歸賊匪復來滋擾又將作何辦理豈有堂堂天朝轉爲徼外番賊牽制之理此事勢在必辦竟無二義矣孫士毅鄂

輝成德惟當堅持定見毋涉游移將調派兵丁籌辦糧餉各事宜通盤籌畫將來大兵進剿實在需用兵丁及口內口外如何運送糧餉足敷支應不致缺乏並此時且不必多派兵駐于無用之地以致多費糧餉之處悉心確核預爲籌備明春大舉時軍食充裕兵力壯盛一俟雪化即可窮追深入痛加剿殺以爲一勞永逸之計至孫士毅自請前

往軍營此可不必辦理糧餉爲軍行要務孫士毅
係屬熟手難以遠離伊現在打箭爐駐劄內外聲
息相通一切可資照料孫士毅惟當仰體朕意將
調兵運糧機宜悉心妥辦以副委任至都司徐南
鵬帶兵固守營官寨尚屬奮勉前已賞戴花翎若
能始終守禦無虞俟有應陞缺出卽行陞用以示
鼓勵

上又命軍機大臣傳諭鄂輝成德曰保泰奏據歲奉
堪卜羅卜藏凱木楚克稟稱仲巴呼圖克圖于賊
匪未到之先將細軟物件搬至東喀爾藏匿其札
什倫布廟內有濟仲喇嘛及四學堪布喇嘛在吉
祥天母前占卜妄稱占得不可與賊接仗以致衆
心惑亂不復守禦皆行散去致被賊匪佔據等語
實爲可笑可恨濟仲堪布喇嘛等皈依佛教見賊

匪侵擾佛地自應督率衆喇嘛等極力保護乃竟假託占辭妄行搖惑以致喇嘛番衆皆無固志相率散去似此喪心叛教之徒若班禪額爾德尼尚在札什倫布亦必委之于賊甚或縛獻降賊皆不可知其情罪實屬重大鄂輝等到彼後卽查明占卜惑衆之濟仲喇嘛及四學堪布喇嘛等係屬何人卽行正法至仲巴呼圖克圖帶領衆喇嘛看守

札什倫布一聞賊匪前來信息卽先期逃避委之不顧本應一併正法但念伊係班禪額爾德尼之兄人亦老實姑從寬典卽著雅滿泰拿解來京其商卓特巴之缺著臧璠堪布補授並著鄂輝等告知達賴喇嘛班禪額爾德尼及歲璠堪布濟隴呼圖克圖等曉諭衆喇嘛等以藏內僧衆久荷生成大皇帝振興黃教素所信重恩施極爲優渥從未將

伊等寘以重辟卽喇嘛有犯法責處之事亦須剝
黃懲治今濟仲堪布等妄言淆惑以致人心渙散
竟將班禪額爾德尼等置之不顧是該喇嘛等自
叛其教罪在不赦若不將伊等正法設使賊匪擾
至前藏必將達賴喇嘛班禪額爾德尼獻與賊匪
亦未可定此等係教中敗類自宜明正典刑使僧
俗咸知謹凜正所以衛護黃教保全達賴喇嘛班

禪額爾德尼之意如此明白宣諭令藏內喇嘛等
咸喻朕意至賊匪雖已將札什倫布搶佔但其勢不
能久住必已竄回該處廟宇地方係歷輩班禪額
爾德尼住錫之地經賊匪此番蹂躪之後僧衆離
析必應亟爲整頓加意安輯現在班禪額爾德尼
隨從之人自必尚多著鄂輝成德抵藏時卽派新
放商卓特巴之歲琿堪布速往札什倫布妥爲安

撫清查資財以便將來平定後班禪額爾德尼安
禪棲止僧衆等亦各復業不致失所方爲妥善

初七日

戊申

上命軍機大臣傳諭鄂輝成德曰昨降旨令鄂輝等
將占卜惑衆之濟仲喇嘛及四學堪布喇嘛等查
明按名正法但恐鄂輝等辦理未能妥善或致該
處衆喇嘛等不能深悉緣由應俟大兵齊集前藏

鄂輝等再查明惑衆之濟仲堪布等係屬何人將該

濟仲堪布等喚至前藏傳旨明正其罪剝黃處斬

至保泰前將班禪額爾德尼先期移至前藏祇應

派員護送由羊八井間道行走伊仍留駐後藏親

身督率僧俗人等協力防守則仲巴呼圖克圖濟

仲堪布等心存顧忌衆喇嘛等亦有所倚仗不致

人心渙散遽行相率逃避乃保泰昏怯無能並未

計及且都司徐南鵬防守營官寨尚能打仗禦賊
是其人尚奮勉保泰不派令保守札什倫布轉置
之距廟一站之官寨所爲甚屬錯謬今札什倫布
業已被賊蹂躪昨已降旨令鄂輝成德等抵藏派
新放商卓特巴之歲琿堪布前往安輯僧衆清查
貲產但札什倫布係熬百年古刹爲歷輩班禪額
爾德尼駐錫建塔之地今當兵燹之後廟宇殘缺

僧衆離散僅令歲琿堪布經理安集尚恐未能妥
善鄂輝等到彼後應令保泰帶同歲琿堪布前往
料理保泰係効力贖罪之人自當倍加警惕認真
查辦倘札什倫布自賊竄後尚須兵丁鎮撫卽著
成德酌帶兵丁前往彈壓督同保泰及歲琿堪布
妥協辦理

初九日

庚戌

上命軍機大臣傳諭鄂輝成德曰濟仲堪布喇嘛等假托占辭妄行惑眾恐將歷輩班禪駐錫建塔之地委之於賊喪心叛教至于如此並恐趁眾心慌亂時眾僧俗人等乘機攘竊札什倫布廟內供奉歷輩班禪金塔聞塔上鑲嵌珍寶莊嚴極爲華麗乘擾攘逃散之時任意偷竊事所必有此項金塔係歷輩班禪額爾德尼安藏舍利之所皆係該喇

嘛等祖師伊等身爲法嗣不能竭力保護又從而殘燬攘竊實爲教中蠹賊罪不容誅此而不查出治罪何以衛佛教而懲敗類著鄂輝等務須遵照前旨查明占卜惑眾及乘機偷竊之濟仲堪布等明正其罪並明白曉示使咸知該濟仲堪布等之罪非惟王法所難宥亦爲佛法所不容今將伊等正法正所以衛護佛法俾眾僧等益知謹凜倍加

感畏也

臣等謹案佛法之與

國典其事殊而其理則一扎什倫布廟宇爲從來
班禪轉輪駐錫之地凡在佛門者自當同心
保護厯劫常新乃濟仲堪布等於賊匪未至
時輒假託占詞搖惑衆志以致人心潰散竟
將札什倫布委之於賊金塔莊嚴恣其攫取

開門揖盜實爲敗類之尤伏讀

訓諭煌煌以濟仲堪布之罪不特王法所難宥亦爲
佛法所不容明正刑章用昭炯戒

聖天子護法除魔之意實與象教相爲表裏云

十一日壬子保泰雅滿泰奏言九月初十三日據後

藏都司徐南鵬差兵報稱九月初七日賊衆忽
皆退回查看廟內殿宇及三大佛像並未損動

但鑲嵌物件供器多被掠取賊眾已去一站之地噶布倫等帶領兵丁追趕等語臣等查江孜係前藏要地賊匪或由江孜來犯前藏亦未可知現在察木多遊擊李之榮帶領綠營兵一百名於十四日到來臣等即將達木兵一百名並備現到之察木多綠營兵一百名交李之榮即往江孜防守要隘並行令遊擊烏爾公阿將所帶

奏之兵亦急回江孜一同防守臣雅滿泰亦于本日馳往江孜安定眾心督飭官兵善為防禦俟各處調兵到時臣保泰即催趨續往臣雅滿泰仍往後藏查看札什倫布廟宇再臣等察看唐古忒人心渙散並無固志雖敬奉達賴喇嘛實無保護之意此時仰仗

天威調兵剿賊然觀其大勢達賴喇嘛班禪斷不可

天恩仍居此處祈

聖恩派兵一二千名或將達賴喇嘛班禪額爾德尼

移于泰寧或移西寧之處伏候

聖諭

同日富綱奏言竊臣前准駐藏都統保泰咨因

廓爾喀番人侵犯後藏防兵不敷堵截

奏明行調滇兵二千名迅速赴藏經臣于附近標

營內如數派撥並擬將大理以東各營及省標

官兵于九月二十五等日分起起程茲于九月

二十七日准四川督臣鄂輝來札以此時川省

已撥屯漢官兵二千餘名分起進發似可足資

辦理惟西藏實在情形相距數千里外究難懸

揣俟至巴塘一帶查看情形倘西藏不必添兵

即咨停止如必須徵調亦即飛咨遣發等情臣

查上次巴勒布番人滋擾後藏卽係鄂輝前往
辦理竣事于彼處番情自所深悉現經鄂輝親
往督辦諒不日亦可歲事此時滇兵遽行出口
赴藏不但往返徒滋勞費抑且跡涉張皇自應
聽候鄂輝咨調到臣再行前進惟軍務至要籌
備總宜詳慎况自滇至藏相距六七千里道路
甚爲險遠萬一西藏尚須添兵而所撥滇兵二

千名雖俱派定但散處各營彼時始令各于本
營起程又恐有需時日臣再四籌酌查大理府
接壤麗江離邊較近且係提督駐劄之所地方
較大官兵在彼暫住亦甚便易擬將原撥省標
及近省營分官兵暫行屯駐大理責成總兵劉
之仁統領稽查彈壓其所派大理以西之鶴麗
鎮屬兵丁俱令在營聽候俟鄂輝咨調到時卽

令劉之仁就近帶領同原撥提標兵丁由大理分起遄行並由鶴麗中甸出口時卽將鶴麗維西永北三處原派之兵一併帶領前進若彼處無需添調卽由大理撤回各歸本營均奏入

上諭內閣曰據保泰等奏稱達賴喇嘛班禪額爾德尼不可復居衛藏請移駐泰寧或西寧等語保泰等直喪心病狂矣廓爾喀賊匪跳梁方奏報之初

朕卽逆料其實無能爲不過抄掠物件一聞內地大兵信息卽自竄歸是以節次令後調官兵暫且聽候今果已竄回自賊匪滋擾保泰卽心懷畏蕙漫無經理之策惟亟將班禪額爾德尼移駐前藏又欲達賴喇嘛移駐泰寧因降旨將伊革職効力彼時雖賊匪披猖保泰等若能獎勵唐古忒等領兵堵截賊匪斷不能至札什倫布俟有內地兵到將

值降雪之時賊匪定卽竄回乃保泰並未籌計及
此惟知將班禪額爾德尼移駐前藏是以札什倫
布之喇嘛民人等惶惑逃散賊匪方能侵擾札什
倫布現今賊匪業已竄回又並未追賊打仗轉欲
將達賴喇嘛班禪額爾德尼移駐泰寧西寧是誠
何心保泰爲那木札爾之子朕意以爲伊從前曾
經駐藏于一切事務自較他人熟悉是以令其前

往不料一遇此事顛倒錯亂竟至出人意外實堪
憤懣雅滿泰尚知帶兵追賊而保泰一味恇怯賊
匪已退猶欲將達賴喇嘛班禪額爾德尼內徙直
欲舉全藏委之於賊設使賊匪逐漸內侵亦將察木
多裡塘巴塘均棄而不顧有是理乎衛藏地方爲

皇祖

皇考戡定之地何可輕議棄置且棄置藏地之後將處

達賴喇嘛班禪額爾德尼于何地耶此事決非雅
滿泰之意雅滿泰上次曾經辦理此事如果係伊
意見必早行具奏其爲出自保泰之意無疑朕自
臨御以來五十餘年經理庶務孜孜不倦從無畏
難苟安之見衆所共知保泰縱不爲身謀亦思朕
爲何如主乎保泰以爲達賴喇嘛班禪額爾德尼
移駐之後伊即可苟全性命那木札爾乃生如此

之子保寧有如此之弟真非意料所及著將此旨
令保寧閱看想必痛恨伊弟仍著鄂輝於抵藏之
後傳旨將保泰在彼永遠枷號示衆保泰之子有
現任職官者俱行革職以昭炯戒至達賴喇嘛班
禪額爾德尼駐錫前後藏歷年已久凡蒙古番夷
咸思敬禮朕所以綏輯藏地者無非保護黃教之
意現今非特達賴喇嘛班禪額爾德尼不願遷徙

卽在京呼圖克圖及喇嘛等多有藏地之人諒亦
不願移徙也此旨令在京之呼圖克圖喇嘛等閱
看並用蒙古文繙出通諭內外各蒙古知之

上命軍機大臣傳諭鄂輝成德曰前經降旨令鄂輝
等於抵藏後卽將占卜惑衆之濟仲堪布等查明
正法但此五人內定有首先起意及隨聲附和之
人自應分別治罪著傳諭鄂輝等除將起意惑衆

之人剝黃正法外其餘隨聲附和之四人著雅滿
泰于帶同仲巴呼圖克圖來京之時一併解送來
京至唐古忒人等甚爲庸懦一見賊匪卽行逃遁
導賊深入實屬可恨雖不可勝誅其頭目人等及
爲賊嚮道之番人務須查明正法以昭炯戒現今
賊匪雖已回巢但搶掠旣多其行走不能輕便自
必於途次耽延時日此時成德想已抵藏接到此

旨卽酌帶所調官兵速行追躡縱不能抄其歸路
截殺賊匪卽從後尾追剿戮亦足以壯軍威而寒
賊膽至鄂輝近來奏事情形亦微覺主持不定首
鼠兩端此次赴藏辦事若仍蹈前轍心懷畏葸欲
圖苟且塞責保泰卽其前車之鑒也

上命軍機大臣傳諭孫士毅成德鄂輝富綱曰前以
廓爾喀賊匪侵擾後藏志在搶掠斷不能在彼久

住朕料其必思逃竄屢經降旨將各處續調兵丁
暫緩赴藏本日據保泰等奏賊匪佔據札什倫布
將廟內供奉器具及鑲嵌什物掠取于九月初七
逃竄等語果不出朕所料今賊匪旣已遁回毋須
調派多兵前往不但續調之各處兵丁俱應停止
卽前調官兵除鄂輝成德等所帶兵丁及已將次
抵藏各兵外其餘起身在途距藏尚遠者亦著暫

停進發一併撤回聽候進止現據富綱奏接據鄂
輝咨會停止滇兵卽撤回大理及鶴麗本營聽候
所辦尚妥著傳諭富綱遵照節次論旨將所調兵丁暫
緩赴藏至明春大舉進剿必須厚集兵力所有現
在該處及續行採辦運往之糧除已到兵丁支食
外總須預爲備辦約計可敷一萬兵丁口食不致
臨期缺乏方爲妥協著孫士毅鄂輝彼此關會酌
商通盤籌畫將口內口外如何運送軍糧並實在
必須糧石若干之處悉心確核預行妥辦將來大
兵進剿深入賊境聶拉木以外自當資糧于賊其
聶拉木以內卽係藏地所有大兵由藏進剿及凱
旋時各兵沿途支食口糧亦應一併核計寬爲籌
備足敷兵食以利軍行

同日大學士公阿桂等奏言遵

旨查得保泰有子六人長子福克進三等侍衛次子
濟嚕木圖過繼與保泰之堂弟博凌阿爲後承
襲輕車都尉現在二等侍衛上行走第三子法
克進第四子倭克進俱拜唐阿第五子依克進
刑部筆帖式第六子年幼閒散此內除濟嚕木
圖係與博凌阿爲後法克進倭克進俱係拜唐
阿毋庸議外請將三等侍衛福克進筆帖式依

克進卽行革職奏入報

聞

欽定廓爾喀紀畧卷四

欽定廣輿記卷四

